


T 2816
3203

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG 22 1939



欽定平定臺灣紀畧卷三十三



八月二十四日

巳未

福康安奏言拆閱常青奏摺

內僅稱賊匪旬餘未敢來犯郡城並不能直前
進剿是南北兩路官兵尙未得手常青親在臺
灣較李侍堯據屬員稟報之詞自爲確切所稱
兵力不足似屬實在情形林爽文自上年滋事
以來陸續徵調各省滿漢官兵不爲不多何以

閱時已久尙不能掃穴擒渠揆厥所由固屬該將軍等零星堵禦以致兵分力薄亦因久未蕨功士氣日形懦弱現在雖有添調之浙省粵省官兵陸續配渡前往第念兵丁等向未出征恐不能十分得力前據李侍堯奏請先將內地各營存兵內派撥卽令新兵充補但閩省各營兵丁挑赴臺灣者已多存營之兵諒非精壯且閩

省地方山海交錯在在需兵汛防彈壓此時若將內地兵丁調往而概以新兵充補亦屬非計必須增調得力兵丁乘其初到銳氣痛加剿殺賊匪見官兵日益增多自必心存畏懼黨羽漸離渠魁更易就獲今該將軍等又以郡城兵單奏請添調廣西江西兵六千名但前奉諭旨令貴州湖北湖南等省各挑兵二千名聽候檄

調此時自己預備齊全查貴州兵丁屢經行陣
在綠營中最爲勇捷湖廣地方與閩省一水可
通與其另調他省莫若仍將貴州湖廣未調之
兵卽令分起啟程較爲妥速至四川屯練降番
派撥二千名速行赴閩此項屯練兵丁想已行
走在途將來前抵軍營較他省更爲迅速若復
中途停止未免徒勞往返况臺灣地方多係深

林密菁屯練兵丁登山趨捷用以搜捕匪犯必
能得力仰懇仍准其調撥臣惟恐緩不濟急一

面咨會保寧飛催前進再魏大斌赴援諸羅中
途被賊圍截雖據稱賊衆二萬猝至又適遇大
雨不能施放鎗砲彼此鏖戰殺死多賊仍遺失
兵一千一百餘名等語但綠營往往有謊報惡
習魏大斌是否張大其詞以掩其遺失多兵之

欽定四庫全書
卷三十三
三
咎而此項損失之兵有無潰散從賊之處均須
徹底查究容抵臺灣後再行查明核辦至柴大
紀力捍孤城坐困已及兩月現在賊匪鴟張更
甚城中存兵無多火藥糧餉又已匱乏設有疎
虞所關匪細雖據常青等派令蔡攀龍等帶兵
一千六百名前往但尙未得有到彼信息且所
帶兵力無多賊勢正在猖獗恐難卽時進剿竊

思南路賊匪屢經官兵搜捕賊勢漸衰此時郡
城一帶較之諸羅被困情形不甚著重自應合

常青舍南趨北于郡城各營迅發多兵前往援
救但賊人狡計百出若見大兵全集諸羅又恐
乘虛在郡城滋擾郡城爲全臺根本重地若留
兵過少不足以備剿捕應援之兵臣通盤籌畫
所有現在請調各省官兵懇飭各督撫速行派

金定臺灣通志卷三十三
四
撥趕緊赴閩聽候調用再臺灣不產馬匹向來
俱由內地帶往此次巴圖魯侍衛等前往進剿
帶兵打仗追拏賊匪必須乘騎馬匹方能得力
已札知李侍堯速行備馬二三百匹先期派員
送往臺灣應用

同日孫士毅奏言臺灣地處海中深秋後早晚
寒冷棉衣在所必需凡先後赴臺兵丁似應各

給一件至衫袴鷄鞋等項先調之四千名到臺
已閱數月領兵鎭將目擊將次破爛自應製備
解往其續調之七千名甫經赴閩係屬完好毋
庸一體添給查鷄鞋套袴軍裝內例應製備准
在各營公費項內開銷其棉衣及貼身衫袴應
由各營家屬自備官爲解送第該兵不能盡有
家室若令自行備辦恐遲速不齊有無不一其

中難免向隅查出征將弁兵丁例有賞借二項
其兵丁項下馬兵賞銀十兩借銀十兩步兵賞
銀六兩借銀六兩此次派撥赴臺剿匪近在鄰
省非比出口大舉臣意止應照例准借凱旋後
分年扣還其賞銀一項應俟到軍前奮勇剿賊
聽候將軍叅贊隨時酌賞以示鼓勵若概於起
程時照例賞給轉使勇怯不分不足以昭激勸

臣是以止辦准借一項至此次派出馬兵因地
隔重洋並未攜帶馬匹現係一律步行臣於各

兵起身時普照步守兵准借六兩之例每兵先
借銀三兩使不致任意花消扣存三兩官爲製
辦棉衣衫袴核計尙有餘剩本係該兵等應借
之項臣卽咨明閩省准其稟知領兵鎮將就近
請借爲軍營添補之用再鷓鞋套袴已據各本

營陸續解送到潮其棉衣一項連餘丁共須一

萬二千餘件臣就近在潮飭令地方官備料鳩

工並經潮州鎮臣彭承堯多派營匠趕緊督辦

不日即可完竣除現在後起赴閩兵丁已令隨

身攜帶外其餘解交廈門同知衙門附便搭解

軍營按名給散又接據梁朝桂等稟稱逆匪潰

逃之後將備督率追捕必資馬力請于附近潮

州各營借撥一百匹解往乘騎查將備起程時

只預支三月養廉按月坐扣其應借治裝銀兩

凱旋後分年扣還一項未經具領應請卽於此

內扣出馬價交各營買補等語臣查粵兵先後

赴臺灣一萬一千名所有領兵官自總兵至將

備共數十員今請給馬一百匹畧有浮多然臺

灣地屬崎嶇馬力易乏似應寬給數匹俾資追

捕已如所請令官兵陸續順帶過臺其官員應

借治裝銀兩臣現咨詢閩省畫一辦理至駐防

領兵官員現按照品級隨帶馬匹其棉衣一項

詢之副都統博清額據稱現交秋令各兵均已

備帶毋庸另製再現在正值剿匪緊要之時兵

數既多火藥尤宜寬裕臣先期飭備復經潮州

鎮臣彭承堯在本營加緊配製又於額外趕備

火藥四萬觔卽隨此次官兵之後接續運閩計

兵丁隨身攜帶及三次委員額外運送共火藥

二十萬觔均在粵省年額之外內十萬觔係額

外辦出尚有十萬觔係於預備三年火藥內抽

撥解往臣嚴飭藩司許祖京務須尅期採辦硝

磺分給各標營卽日領回配製前接閩省撫臣

來札借用粵東火藥將來製就解還臣思閩粵

同一辦公無分畛域况閩省現在用兵正須火藥應用粵東撥解之項即可在粵配製報銷無庸閩省解還徒糜運脚至駐防兵一千五百名分作四起經撫臣添派臬司姚綦運司德爾炳阿肇羅道阿彰阿送至惠州老隆一帶地方副都統博清額自省統領行走於七月二十五六七八等日齊入閩境其續調綠營兵六千名內

除四千五百名早經配渡到臺外尚有在滿兵後接續前進一千五百名臣本定期於七月二十九三十日點送出境內有順德新會營兵四百名遲到兩日於八月初二日纔到黃岡當卽點送入閩又欽奉諭旨添調一千名八月初三日先點四百名出境其餘六百名計程極遲八月初五六等日必到閩

省詔安縣境今於初六初八兩日纔到黃岡亦
卽同點送出境查順德新會及羅定營兵俱遲
到數日臣會同提臣高瑛傳齊衆兵分將領兵
備弁各加重責使凜遵紀律不致稍有遲悞計
該兵等到閩配船東渡如風色較順此最後之
一千名亦可於八月二十前齊赴軍營再商民
挾貨營運利於迅速往來本年因臺匪滋事商

船不免心存疑畏已覺比前稀少若再盤詰過
嚴必致聞風裹足商販不通百貨騰貴卽間閭
隱受其害是以臣嚴諭守口弁員如將毫無可
疑之客船槩行留難盤問立即據實叅革重治
其罪現在入口商船視春間較多從此轉可暗
中物色良歹設法偵探是一任商船往來無阻
於稽查奸匪尤爲有益至南路賊匪尙未十分

懲創何至忽爾紛紛逃竄北路梗塞雖通然賊匪鬼域多端其中恐有別情未可深恃且又聞逆匪林爽文將無食貧民招入賊巢挑取年壯者厚給衣食教以技勇抗拒官兵其怯弱者盡數趕出聽其所之以免養活無用之人其奸惡至此臣每向粵省帶兵將備論及鎗砲爲行軍利器固須演放純熟然聞逆賊近因官兵鎗砲

利害不能抵禦竟敢練出一夥亡命奸徒伏在前賊匪隊內抵死直犯我兵倘不預爲整備恐臨時轉致吃虧必須於鎗手後緊接短兵如賊匪已在百步之內卽令短兵直前撲殺有反顧者將弁從後砍之如此痛剿一兩陣殺賊數千賊無計可施當成瓦解之勢再臣聞賊匪最短火藥蓄心搶奪我兵存貯火藥處所尤宜防護又

聞林爽文胞弟爲鎮臣柴大紀用砲擊斃莊大

田之子爲人割取首級出獻未知是否確實再

部議將粵海關五十二年分應徵稅銀撥運二

十萬兩解閩備用已移知廣東撫臣圖薩布會

同監督臣佛寧撥出迅速委員眼同彈兌裝鞘

運交閩浙督臣李侍堯存貯入於軍需項下備

用均奏入

上命軍機大臣傳諭福康安常青李侍堯藍元枚曰

前因常青等辦理剿捕事宜怯懦因循茫無定見

是以特派福康安前往更換督辦軍務福康安非

常青可比朕方倚以集事今閱奏到之摺看來福

康安竟不免爲常青所惑畧有畏難之意福康安

雖更事未久但軍旅之事屢曾經歷寧不知臺灣

賊匪止係烏合之衆夥黨雖多易聚亦復易散惟

金匱要略卷之三十三
在殲其渠魁則脅從當不攻自破現在常青處兵力雖經零星派撥止存現兵四千名但添調之浙粵駐防綠營兵五千名業經陸續配渡又經李侍堯於閩省泉州各營派撥兵三千名早應接續到彼加以川省屯練兵二千名昨已令鄂輝帶領星速前往是添調之兵不爲不多况福康安帶領巴圖魯侍衛等百餘人皆屬屢經行陣趨健可用以

如許兵力而又得奮勇帶兵之人更何必於此時先爲鯁鯁過計乎且用兵之道全在乎將如運籌制勝得宜原可以少擊衆斷無賊有一二十萬卽須以官兵一二十萬應之之理若以一兵當一賊卽再調多兵亦屬不足豈有添兵不已之理乎現在賊匪以全力圍攻諸羅其勢甚重福康安到彼自應統領大兵徑趨北路打通道路聯絡聲勢會

金定平定臺灣紀略 卷三十三
合進剿方可使軍威振作壁壘一新鼓勇直前令
賊人望風奔潰若先存瞻前顧後之見何以集事
况就福康安所慮如恐大兵往北賊人乘虛滋擾
郡城試思賊匪等如由諸羅一路攻擾郡城則賊
人來路卽福康安常青等北去之路正可迎頭截
殺賊人焉能逼近郡城若慮賊從間道山徑潛出
滋擾我兵豈不可堵其出路若慮南路之賊攻擾

郡城則常青在彼數月添兵未及到齊尙能保守
無虞豈福康安與海蘭察等同往各路增調之兵
萬餘又已到齊且有巴圖魯侍衛等百餘人轉慮
其乘虛滋擾之理卽使常青於福康安未到之前
業已帶兵前赴北路而郡城營盤尙有恒瑞帶兵
駐守豈不足以捍禦福康安又何所顧慮而先存
畏怯之意甚不滿朕所望矣至常青摺內所稱柴

大紀請添兵一萬之語自因柴大紀被賊攻圍兩月道路阻塞文報不通於陸續添調各省之兵共計有一萬六七千名之處並未得有信息又因被困甚急不無惟怯是以有添兵一萬之請今福康安已知添調多兵正當乘其銳氣及鋒而用一振從前委靡畏蕙之習乃於途次卽已奏請添兵轉比常奏請之數較多豈非畏難多慮乎福康安

身爲統帥軍中俱視其意嚮若福康安先有示怯之意則以下將弁等更必心存懦怯士氣豈能振奮耶况卽如請添調貴州湖廣等兵亦非指日可到必須兩月之久方能到彼設諸羅稍有意外之虞已屬緩不濟急于現在剿捕應援機宜有何裨益耶福康安務須堅持定見胸有成算相機妥辦不可稍涉游移若福康安亦不免畏難過慮朕又

將何所倚恃總之此事全在得其窾要決機制勝
以期鼓勇直前朕厯念軍務早已通盤籌畫今不
妨爲福康安明白宣示使之安心若此時常青等
剿捕得有轉機早晚捷音奏至卽前此調備之黔
楚兵竟當停止徵調福康安自應速渡臺灣督兵
奮剿萬一常青等仍前株守諸羅勢竟不支甚或
至臺灣全郡搖動則其事必須大辦且將調用京
兵及各省兵并不止於調派貴州湖廣之兵而已
朕豈大意不審事體之人然以天理人情論之未
必至此決裂福康安不必先事畏懼也彼時自應
令福康安駐劄廈門俟大兵齊集再圖進取必不
令福康安止帶屯練兵二千冒昧前進何必於此
時先存疑難畏怯之見乎福康安接奉此旨更當
安心鎮定勉圖克捷毋負朕委任之意再現在臺

灣剿捕賊匪添兵甚多將來進攻大里杙賊巢尤
須用砲轟擊火藥鉛彈最爲緊要且賊人此時所
搶火藥漸已用盡若運送軍營時或被賊人乘間
邀截搶奪貽誤非細著常青李侍堯藍元枚等務
須加派弁兵小心押運加意防範倘稍有疎虞惟
伊等是問

同日李慶棠奏言黔省原有挑備戰兵二萬名

平日勤加訓練以備調遣今接奉

諭旨隨密飭各標營卽于戰兵內復加挑選擇其勁

勇出色者如數預備並飛咨督

臣富綱暨提

上命保成將曾經行陣奮勇幹練之將備公同揀派

令其帶領管束至黔省軍裝向俱整齊火藥亦

屬充裕一俟續奉

諭旨或福康安檄調文書到日卽可分起迅速前進

備旨奏入報文謝國文書陸日噴以令跋及數前並
聞

二十五日

庚申

東至銀管軍裝向與整齊火藥衣

上命軍機大臣傳諭福康安曰昨據福康安奏稱添
派官兵一摺已降旨詳悉開導指示今反覆思之
爾竟至徹夜不能成寐福康安受恩多年最爲深重
非他人可比因其才具歷練是以特令前往臺灣

督辦軍務前福康安陛辭之時朕曾經詳悉面諭
福康安由驛前往如途次啟閱常青等奏報剿捕
事宜辦理得手已與藍元枚柴大紀會合卽應迅
渡臺灣督同進剿倘常青柴大紀或不能得勝而
臺灣全郡竟有意外之虞福康安自應駐劄廈門
等候官兵調齊再渡臺灣相機妥辦所諭機宜至
爲明晰朕臨御五十餘年于一切重大事務經歷

不知凡幾無不通盤籌畫熟慮機先今委福康安以剿捕之任豈有令其冒險前進之理無論福康安久經簡任寄以股肱心膂事無鉅細無不休戚相關斷不肯置伊於險地卽常青藍元枚柴大紀等身歷戎行皆係爲國家出力亦皆體恤周至圖其萬全下至蔡攀龍徐鼎士及大小將弁朕亦無不時加軫念弗令涉險豈有福康安爲朕所親信

倚任之人轉不爲之計出萬全耶福康安非不曉事者何至不能仰體朕意忘朕面諭之語轉爲常情青等奏摺所惑耶况朕卽不爲福康安一身之計寧不爲朕一身國家軍旅重務熟思籌畫耶朕屢念軍務早夜思維揆之天理則朕子惠黎元於臺灣百姓一視同仁並無額外徵求之事而以人事言之則林爽文以無藉細民負嵎蟻聚止係么磨

小醜卽云不肖官吏貪黷斂怨亦俱被伊戕害且肆其荼毒地方良民受害者更復不少實爲覆載所不容亦斷無不速就撲滅之理福康安於金川軍旅大事亦曾經練豈轉於此等么膺少醜竟至委靡不振耶况我國家荷蒙

上蒼眷佑軍興之際卽偶遇危難無不轉敗爲功如從前兆惠之在錫箔阿桂於木果木温福挫失之後

亦曾屢經危險旋俱克成大勲况回部金川本其部落用兵撻伐猶不無戰勝闢土之心至臺灣本屬內地林爽文止係編氓適以自取其死臨以大兵有不如摧枯拉朽速就殄滅者乎且柴大紀現在雖被賊匪攻圍勢在急迫而常青業已派委蔡攀龍帶兵往援柴大紀蔡攀龍素爲賊所畏憚亦皆奮勇可恃日內常青接奉前旨若卽舍南趨北

諸羅自已解圍軍威振作捷音踵至亦未可定福康安何必遽請添調多兵爲此徒亂人意之舉乎且福康安於清江地方發摺距廈門甚遠豈能一蹴而至途中自必續接常青等奏報即使諸羅勢將不支必須增添兵力常青已經具奏福康安原可駐劄廈門等候官兵齊集再渡臺灣相機督剿况續添滿漢官兵正在到齊軍威增壯更可無慮

福康安此時前抵廈門尙需時日又何必預存畏難過慮之見耶從前康熙年間奸民朱一貴糾衆滋事臺灣全郡俱陷經總督滿保派令藍廷珍以一總兵帶兵前往卽能尅期撲滅况現在派如許重兵有福康安等帶同巴圖魯侍衛督率進剿又何難迅奏膚功蓋此等刁悍匪徒一時蟻聚緩則彼此相助急則彼此相圖無論林爽文等罪惡貫

金定臺灣紀略卷之三十三
盈斷無不立遭誅殛卽爲萬一之慮逆匪等竟將
臺灣全郡搶佔而其黨惡匪夥如莊大田等亦斷
不肯甘心屈服自必爭爲雄長自相戕害其勢必
至內潰從前朱一貴佔據臺灣後卽有吳姓賊人
互相爭鬪之事此卽前事之証是林爽文等縱使
大肆猖獗臺灣全郡爲賊所佔亦無難設法圖之
指日授首况此時賊人佔據要隘我兵前往攻勦

在賊匪或得以逸待勞若賊匪竊據臺灣官兵分
路進攻則匪徒四處守禦其力亦必難支此乃反
客爲主之勢辦理更不至棘手福康安寧未算及
此乎朕之待福康安不啻如家人父子恩信實倍
尋常福康安亦當以伊父傳恒事朕之心爲心竭
力奮勉克紹箕裘並揆度事機驗之天理人心努
力堅定副朕體恤周至宵旰焦勞之意一力擔當

若遇事輒先涉張皇不特朕將何所倚恃而伊亦將置身何等耶且在京大臣中為朕所倚信素能辦事者如阿桂久經軍旅但已年逾七旬自難令其遠涉重洋和珅朝夕扈從在朕前承旨書諭亦難暫離此外即令福康安自思更有何人堪能勝任者福康安簡任有年為國家屈指可數之人若伊復有疑難不能肩此重寄朕又將簡用何人亦

斷無為此小事派福康安前往復令阿桂和珅續往又豈有朕親征之理乎就目前情形而論福康安屢膺軍旅聲威素著今領兵前往賊人計大兵必前抵臺灣郡城自亦專注該處以圖抵禦而此處係久經保守駐兵之所可保無虞福康安竟不必前赴府城應帶領巴圖魯侍衛等由蚶江配渡直抵鹿仔港若藍元枚業已前抵諸羅援應福康

安卽應接續前進在後督率會合攻剿如藍元枚
尙未前往福康安卽當會同藍元枚并檄知徐鼎
士或竟前赴大里杙賊巢夾攻乘虛直搗俾賊人
聞知自必回顧巢穴眷屬則諸羅之圍可不攻而
自解而南路賊匪亦必聞風驚潰紛紛解散此爲
聲東擊西之計使其首尾不能相應必成擒矣福
康安務須安心鎮定出奇制勝勉圖奏捷

上又命軍機大臣傳諭孫士毅李侍堯曰調派臺灣
兵丁所需棉衣等物其借給工料銀兩原應照例
歸款但該兵丁等調赴軍營如果能奮勇出力將
逆匪卽行剿滅迅速蕝功則借支款項卽加恩賞
給免其扣還亦無不可著孫士毅李侍堯卽將此
旨宣諭各兵丁等俾感激歡欣倍加踴躍
同日李侍堯奏言閩省增募新兵今據各營具

報已募得一萬有餘其餘尚在廣為招募查各
 處情形亦有不同如南澳左營派募四百名現
 僅募得二三十名臣嚴行申飭令其速為召
 募尚未據報其上游延建一帶亦祇兵家子弟
 應募而民人入伍者甚少是各鎮協營不能預
 定額數均勻配募只可於易募之處多增新兵
 以備應用閩省惟漳泉二府民皆好勇尚氣情

願入伍者多且調發赴臺亦最近便自應於此
 二府多行召募但細加體訪漳州民情究不可
 信緣泉漳久分氣類現在逆匪林爽文莊大田
 等俱係漳籍是以臺地漳人多為賊所誘脅而
 拒賊者皆係泉人內地聲息相通泉民間募兵
 殺漳人尚俱踴躍若募漳人往剿勢必不能得
 力且漳人入募難保無會匪混入其中而既令

食糧將來事定後或須量加裁減更有難於辦理之處通盤計算與其多募漳兵自不如多募泉兵是以^臣所募兵內漳州所屬僅照藍元枚所指營分共募兵一千其餘多在泉州及金門廈門等處招募至兵數既增則軍械尤須多備鳥鎗一項^臣前查奏內地各營遺失及不適用者七千餘桿又因上年臺匪猝擾及本年鳳山

失事約畧損失三四千桿現已動項於福州福

寧泉州漳州廈門分設五局派文員會同營員

上緊製補一萬桿今新募多兵每一兵卽須一

械就現募兵數又須添製鳥鎗六七千桿刀鎗

藤牌二三千件一并嚴飭各局晝夜趕造計兩

月內俱可齊全餘俟續募得兵若干一面配製

亦可應手至所募新兵現將舊兵鎗械通融應

用使之早為演習俟新製鎗械齊備則各兵技
 藝亦可嫻熟得用再軍營各兵自應預籌禦寒
 之具臣已飭藩司即於軍需項內動支分交各
 營趕緊製備除舊派戍兵本係駐防業有貯備
 無庸給予其續派之征兵應各製給長袖布厚
 棉馬褂一件單布套褲一雙搭船解往所用工
 料價銀統俟凱旋後於各該兵丁月餉銀內寬

聞

以月日陸續扣除歸款奏入報

欽定平定臺灣紀畧卷三十三

欽定平定臺灣紀畧卷三十四

八月二十六日

辛酉

上命軍機大臣傳諭福康安李侍堯曰臺灣剿捕賊匪自常青接辦後續調官兵不為不多因常青零星派撥以致郡城存營之兵止有四千不敷策應其實添派浙粵滿漢官兵已有二三萬兵力已為厚集乃福康安於途次一見常青之摺遽為所惑

是以未卽准行今再四思維福康安受朕深恩委以軍旅重寄伊並非不曉事之人於調度機宜豈有不悉心籌畫何至畏難若此推原其意自因於途次接閱常青等奏報情形勢甚急迫而伊前抵廈門尙須時日若俟到彼後該處有不得不添兵之勢臨期再行奏請調撥恐致緩不濟急是以預爲奏請朕厪念軍務宵旰靡寧豈不知厚集多兵可以迅速完事如果揆度情形事在難已寧於伊等所請或有靳而不予者此亦福康安所深悉今旣委福康安以剿賊之任而福康安有必須添兵之請若故違其意恐伊以兵力不給遇事不能卓有定見轉屬無益且朕於福康安恩遇周渥無不曲加體恤豈忍置伊於險地而轉於林爽文莊大田有所姑息而不欲福康安之速行剿賊無遺耶

今已令保成李慶棻等速將備調黔省兵二千令許世亨帶領速行赴聞聽候調用至湖廣兵不能如黔省之得力且遠隔數省道里紆回此時亦可無須紛紛遠調福康安既有屯練兵二千又得此黔省兵力是此四千勁兵可抵他省四萬加以節次續調之兵軍威已屬壯盛福康安亦可安心鎮靜堅持定見力圖奏績不必再存畏難怯懦之見

若有此多兵福康安猶不能無所畏怯則各省之兵皆可紛紛檄調惟任福康安所爲而已朕亦聽之想福康安斷不肯如此進退無據也現在柴大紀處雖被賊人圍困然柴大紀素能激勵將士圍守數月未必竟至不支而常青現已派委蔡攀龍帶兵前往援應蔡攀龍亦奮勇可恃非魏大斌等可比看來或竟能破賊解圍而常青藍元枚屢經

諭令前赴諸羅此時會合一處亦未可定若日內
得有捷音聲勢聯絡軍威振作則黔省之兵即可
停止進發以免擾累

上又命軍機大臣傳諭福康安常青李侍堯藍元枚
曰常青接到柴大紀等被圍緊急復派副將蔡攀
龍帶兵一千六百名前往策應因思此事常青既
未親自統兵往救諸羅若於前次柴大紀請救時

卽派蔡攀龍帶兵前往該副將素能奮勇爲賊所
憚或能將賊匪痛加剿殺打通前路所運糧餉火
藥等項自不致被賊截斷乃常青計不出此僅派
魏大斌前往接應魏大斌係浙省派令帶兵之員
並非奮勇可恃以致在鹿仔草遇賊僅帶兵數百
名前抵諸羅是常青於此事委派非人實屬錯謬
至蔡攀龍自到臺灣屢次奮勇殺賊著有勞績甚

屬可嘉所有海壇鎮總兵員缺前經李侍堯奏明
令副將李長庚署理今卽著蔡攀龍補授以示獎
勵並著常青傳諭蔡攀龍令其加倍奮勉現在帶
兵援應諸羅務將府城抵諸羅一帶屯聚賊匪悉
力剷除廓清道路使糧餉火藥隨同官兵運送接
濟無若魏大斌之被賊邀截不能兼顧致諸羅城
中又添蔡攀龍所帶官兵吃用之費再賊匪狡黠

若蔡攀龍領兵前往未必不又施誑誘魏大斌之
計讓出道路俟官兵過後復又邀截蔡攀龍勿爲
所惑當探知賊匪潛匿處所往前搜剿方能痛掃
無遺廓清道路此爲最要常青處現存之兵新到
者雖止有四千而其餘浙粵等處官兵亦經陸續
配渡自早已全抵該處常青何得藉口兵單一味
株守並不往北進剿况卽以常青所請添調之兵

而論如江西廣西兵在綠營中最爲無用朕所素
知今復思此二省中武備如果可觀當必有洊擢
至專閫大員者因將兵部所進提督總兵名單詳
加披閱則現在提鎮中竟無一籍隸江西廣西者
可見該二省武藝技勇實係平常常青卽欲添兵
亦應將黔楚之兵奏請添調若江西廣西之兵怯
懦無用倘派令前往不免顧戀家室心懸兩地徒

以輕試賊鋒豈能剿捕得力常青身爲大員而於
江西廣西兵之平常無用亦不能知悉尙得謂之
留心武備者乎再昨據孫士毅奏聞賊匪糾集亡
命奸徒潛伏林莽衝犯我兵必須鎗手後緊接短
兵如賊匪已在百步之內卽令短兵直前撲殺等
語賊人鬼蜮伎倆狡詐百出其所畏憚者係官兵
鎗砲正可用以殺賊乃綠營習氣竟有未見賊匪

卽行施放鎗砲及賊匪猝然衝犯轉致措手不及
徒有鎗砲不能得力最爲可惡著常青藍元枚等
嚴加訓飭或卽照孫士毅所奏於鎗手後緊接短
兵若賊匪相距較遠不可令其亂放鎗砲將鉛丸
火藥虛擲無用之地待賊匪近前卽用短兵撲殺
毋令賊匪得逞狡計

同日孫士毅奏言接到將軍常青來札稱現在

又請添調廣西兵三千名以資剿捕等語臣前

因臺灣逆匪未靖恐軍營或有續調曾預備粵

西兵三千名密札廣西撫提臣預行挑撥停

妥茲已飛咨廣西撫臣孫永清提臣三德卽將

預備三千名飭令將備分帶卽日啟行復令於

各兵隨身攜帶火藥之外再備三萬觔解赴閩

省應用又正在拜摺間接閱將軍常青摺稿知

諸羅賊匪勢尙猖獗提臣柴大紀又有添兵之

請萬一接應稍遲關係不小何敢因粵東附近
海口各營抽調已多不復再爲酌撥應請於撫
標廣協等營再湊足一千名飭令將備速卽帶
領來潮以備赴臺策應一面飛咨軍營俟常青
等咨覆現須徵調卽於粵西征兵未到之前先
令此一千飛速前進奏入

上命軍機大臣傳諭福康安常青李侍堯孫士毅何
裕城曰添調浙粵二省官兵軍勢已屬壯盛又何
必遠調廣西江西之兵乃常青率行咨調實爲毫
無主見今已據孫士毅會咨廣西令孫永清等派
委將弁帶領起程祇可准其調往至常青於前次
具奏之後卽已咨調廣西官兵其江西省之兵諒
亦已行文徵調江西兵較廣西更爲平常且此時

添調之兵不爲不多斷可無庸派往著傳諭何裕城如常青已經檄調該撫辦理尙未起程卽可停止如業經派撥起程行抵何處卽於何處撤回無庸前進常青此次冒昧調兵原託名救應諸羅試思此兵當兩三月方到諸羅尙可待乎朕令常青藍元枚等就近速帶大兵往救諸羅至今尙未奏起身之期尙欲待廣西江西無用之兵於兩三月後救諸羅是誠何意見著常青明白回奏至孫士毅於撫標等營湊足一千名調赴潮州預備增調未免過於急公粵東節次派調之兵已及萬餘該省亦係海疆重地若派撥過多恐不足以資彈壓孫士毅所請預備之兵一千名竟當停止毋庸再行調撥

上又命軍機大臣傳諭保寧李慶棻曰臺灣尙須添

兵協剿著保寧李慶茶卽將挑備兵二千名派威
寧鎮總兵許世亨爲總統帶領速行分起前進由
廣西廣東行走迅抵閩省聽候福康安調用所有
軍裝火藥等項俱著妥協備帶勿致稍有缺乏

未三十七日

壬戌

上命軍機大臣傳諭福康安常青李侍堯藍元枚柴
大紀曰魏大斌帶兵二千七百名前赴諸羅援應

而所傷官兵至一千一百名之多雖據該鎮稟報
因賊衆二萬餘人猝至又適遇大雨不能施放鎗
砲彼此鏖戰以致傷失官兵甚多但綠營兵丁素
爲懦弱往往遇賊卽行奔潰此項損失之兵是否
俱係陣亡有無潰散從賊之處常青摺內並未聲
敘明晰福康安到彼應卽詳細查明辦理並著常
青遇便查明覆奏又常青前摺內稱諸羅被賊圍

困軍營兵力不足懇於江西廣西兩省各撥兵三千名等語是常青所請添兵之處係屬候旨定奪乃昨據孫士毅奏稱八月初十接常青札會添調廣西兵丁業經知會如數撥調起程常青身為將軍如遇有緊急實在兵力不敷原可自行檄調但應一面檄調一面據實具奏乃常青前摺止稱懇請添兵而於已經札知粵省之處摺內並未聲敘

卽此可見其遇事糊塗漫無主見再前摺內稱附近民人漸次歸莊已召募壯丁充伍者百餘人並聞尚有賊目來投等語賊目究係何人其八月十五日續發之摺於賊目有無自行投到之處並無一語提及何以疎忽若此亦著一併據實覆奏至諸羅被賊攻圍緊急柴大紀督率兵民竭力捍禦甚屬奮勉業經常青派令蔡攀龍帶兵往援常青

藍元枚亦必遵旨星速統兵前往接應蔡攀龍素
 為奮勇又有常青藍元枚兩路策應自當破賊解
 圍會兵一處萬一賊匪猖獗應援之兵未能會合
 諸羅糧食匱乏火藥不給實有難支之勢則柴大
 紀當酌量情形竟率領兵民出城力戰將賊匪乘
 勢剿殺突圍而出不可拘泥城存與存城亡與亡
 之見固守勿去致有意外之虞既於體統有傷且

轉足以長賊人之氣於事無益柴大紀務須審度
 機宜完師整旅方為兩全此旨著交常青藍元枚
 酌量何路前赴諸羅為便即差妥幹弁兵護送迅
 速遞投務期必達毋致中途遺失轉為賊人所得
 方為妥善

二十九日

甲子

富綱奏言與撫提

臣

於各營備

戰兵內酌量挑撥二千名每兵百名派鳥鎗兵

七十名砲兵二十名弓箭十名其應帶火藥從
前出師金川每鎗砲兵一名酌帶火藥十一觔
式四兩黔省各營額貯藥觔數甚充裕且由古州
水路而下攜帶亦便今酌定每兵加倍配帶火
藥二十二觔八兩俾資充備其餘軍械等項悉
照例配帶大定協副將岱德人甚明幹勇往曾
出師滇川經歷行陣臣卽派爲統領又長寨營

叅將札郎阿清江協遊擊魯安邦遵義協都司
楊廷邦古州鎮都司朱化英貴陽營守備劉廷
奇提標守備羅世德等六員均係才具幹練曾
經出師酌派分起帶領此次官兵二千名擬分
作四起行走再查黔兵赴閩應由古州乘船於
丙妹地方出境至廣西懷遠縣所屬之梅寨地
方交替應於梅寨預備小船接載至懷遠始換

大船前進

臣

思與其於梅寨交替換船不免耽

延不如卽以黔省古州乘坐之船順流而下直

送粵西懷遠再行換船前進在黔省不甚費力

而廣西又省備船交替之繁且於兵行更可迅

速所有沿站應需夫船及供應等項

臣

現在密

飭藩司就各營經由處所酌量安設尖宿各站

飭各該地方官妥為預備毋致臨時貽悞奏入

報

聞

九月初二日

丙寅

李侍堯奏言粵省最後之綠營

兵一千五百名并續調之一千名陸續於本月

十三日全行來厦配渡緣旬日以來東南風大

不能放洋所有滿漢兵船一齊停泊茲於十六

日晚間風勢稍平俱已開駕滿兵向鹿耳門進

發係派往常青軍前九千數內所有閩兵二千
粵兵四千早已前往茲更得此滿兵三千兵力
自益壯盛其粵省綠營兵二千五百係派往藍
元枚軍前五千數內緣先到之粵兵五百及漢
兵二千已於前月下旬開洋今續到之粵兵二
千五百適總兵李化龍抵廈卽令統領向鹿仔
港進發又有本省兵三千名係臣因誌羅望摺

甚殷奏明卽於泉州等處就近挑撥新舊兵徑
往鹽水港援剿緣三千兵必須大員統領已飛
調建寧鎮總兵鄭國卿前來而路遠尙未卽到
先令遊擊張无咎等帶領前往囑其到鹽水港
時卽與駐劄該處之遊擊楊起麟商度事機奮
勇進兵勿得稍有觀望俟鄭國卿到廈門亦卽
令其星夜趕往其省城所派一千兵由五虎門

往北淡水者風勢大概相同想亦同時開駕至浙省撥運軍米共十六萬石已經全抵泉廈兩倉盤收清楚其江西所運之米由五福起早已抵光澤水口者七萬餘石轉運至省亦已有三萬餘石江蘇之米亦已有五千餘石運抵廈門是米糧一項總可源源接濟惟諸羅近日情形尙未得各官稟報俟一得信息卽行馳奏再察

看北淡水情形地在臺灣極北不過林小文賴樹等小賊糾夥不多勢不能敵泉粵之衆是以林小文等遂先後被官兵義民拏獲昨訊據自賊中逃出渡回之陳班供稱被賊何檜捉去派在何馬寮內守更內不過四五十人三貂地方尙有賊目吳沙本年四月官兵焚燬何檜賊寮何檜已逃往吳沙處等語而何馬一犯近亦經

署把總王福等拏獲是北淡水惟吳沙何檜二
賊逃竄未獲此外已無賊匪其所謂難民者

臣

細加查訪並叅閱各官稟報大抵多係漳人泉
粵之人因其與賊同鄉遂不分皂白從而搶殺
以致避難白石湖金包裹等處今既陸續招撫
歸業補種田禾並據該地方文武等官出示曉
諭泉粵民人不得再有戕害是北淡水地方現

已寧貼無事至徐鼎士已移駐大甲該處係淡

水南境與彰化接界昨據該副將同知等稟稱

林爽文方急攻諸羅未暇歸巢懇內地撥兵一

二千來即可自大甲過溪攻大里杙之背等語

臣

查該副將處現據報有兵一千八百名又有

食糧義民義番七千名並自備口糧義民一千

名隨批令該將等既有兵民幾及一萬應卽乘

機進攻勿稍觀望適合臣撥兵一千卽由五虎

門前往接濟隨於督撫標及水師營福州城守

挑派兵一千名卽由省城出五虎門放洋並札

撫臣徐嗣曾就近料理起程已於初四日登舟

至五虎門候風今廈門各兵船於十六日晚間

放洋想五虎門之船亦必同時開駕再聞省辦

理兵差運送軍械等項除海運外皆係陸路踰

山越嶺向無車馬惟恃僱募人夫緣平日另有

一種江西及本省遊食之人專以受僱充夫爲

業故農民各安田畝不知有應差之事卽遇有

重大差使農民習以爲常謂各站自有充夫之

人於民間無與是以州縣遇有差務俱係現僱

人夫應用從不能派及里下非如陝甘雲貴等

省可以按田派夫使之領價應役而此等專以

充夫爲業之人每值差務緊急輒一名索數名
之價否則不肯就道地方官惟恐悞差不得不
曲徇其意增給價值此閩省實在情形也臺灣
近日雇夫尤爲可異府城外鄉民衝散已無可
雇卽間有可雇不能無疑惟恃府城內慣用之
人雇募應用旣資其力又免使去而爲匪是以
每名雇價二百四十文以以夫價過多於臬司

李永祺前往時囑令留心查察今閩省內地旣
無按田派夫之例惟有仰懇量增雇價使人樂
於受雇則雖素不充夫之人亦皆踴躍趨事查
軍需則例夫價條內口內每站給價銀五分米
一升口外每站銀八分米一升口內每站以七
十里爲率口外以四十里爲率又註明金川例
正價之外加給回空口糧折銀口內五分口外

八分係奉

恩旨加給未便纂爲成例如果需用緊急正價不敷

承辦大臣臨時酌核奏明辦理等語是正價之

外如有不敷原得隨時奏請今可否閩省內地

雇夫照金川口內之例正價五分口糧一升之

外加給回空糧銀五分臺地雇夫照金川口外

之例正價八分口糧一升之外加給回空糧銀

八分設再有不敷俟事定後另於通省官員通

融攤捐歸款其內外每站里數另行咨部存案

其海運雇船水脚臣前奏明海水無順逆卽以

順風抵順水之價按照軍需則例順水每石每

站三分六釐而守候回空俱不另支口糧其別

項差使往來者就船之大小可載若干石之數

計算原擬暫時應用不日卽可竣事是以守候

回空雖不另給口糧本港各船戶已皆樂從今
增兵添餉用船正多兼須雇覓外省來船方足
敷用守候聽差難以尅定時日而回空時臺地
已無貨可載又不能另得水脚則事前之守候
事後之回空均須按照舵水人數給以口糧方
不致苦累但不定以限制又恐開浮冒之端應
請守候口糧以二十日爲率回空口糧以十日

爲率再海船全以淡水爲要通海港汊皆係鹹
水必須向居民購買井泉貯入水櫃以供日用
而沿海地方井旣不多每滿一櫃輒取錢十餘
千所有載兵之船或有守風稽擱時日需水更
多應請每載兵一名另給船戶買水錢一百五
十文其不載兵之船不得援以爲例再前據臺
灣府楊廷樺詳稱庫項已經前守孫景燧墊用

無存現在兵餉無項可支請先行酌撥臣隨批
飭將所墊何項係何員任內墊用是否墊用軍
需抑係孫景燧侵虧查明以憑叅奏分別追賠
一面將應放官兵俸餉銀十萬二千五百兩先
由藩庫撥解以應支放並將孫景燧墊用各項
逐一查核府庫應存銀十六萬一千一百餘兩
除現貯在庫並墊項內有已經扣還及雖未扣

還尙有項可扣可追各款抵算外其餘已墊作

兵餉尙未收還之十萬九千九百餘兩皆係臺

屬各廳縣應解之項又代墊鹽販欠課九千三

百餘兩係各鹽販應繳之項府倉應存穀十六

萬七千七百餘石除現存穀二萬九千四百餘

石又交過穀價外實在無著穀十二萬五千六

百餘石亦係各廳縣應買補解府及各殷戶已

領過價值並歷任流交應補之項皆因上年賊匪滋擾各廳縣倉庫有遭搶毀卽領過穀價之各殷戶及欠課之各鹽販亦未知存亡以致倉庫俱無著落但錢糧倉穀旣係應行解府之項自應按期催解以歸實貯乃該故守於各廳縣應解之項並不及早嚴催遇有官兵俸餉轉將倉庫舊貯之銀穀挪移墊用而各該廳縣於應

行解府之項亦並不按期批解迨上年冬間賊

曾擾後則盡歸於無著明係平日已經虧空上下

扶同作弊挪前補後致應行實貯之倉庫散失

無存自應嚴辦孫景燧原籍現據浙撫

臣琅玕

查抄其家屬尙在閩省僑寓除札會撫

臣徐嗣

曾等在省城泉州等處速行查明下落將貲財

盡行查封毋稍隱漏外其應解不解之各廳縣

一併飛咨各原籍查抄以便變抵歸欵奏入
上命軍機大臣傳諭福康安常青李侍堯藍元枚曰
此時正在剿捕賊匪之際該督惟應將調度策應
一切緊要機宜悉心籌畫及將有官軍打仗殺賊
信息隨時具奏至此瑣細之事並非目前急務該
督察看情形遇有應行籌辦者不妨權其輕重次
第辦理何暇於此時鰓鰓週計瑣屑入告該督之

意不過以此等無著庫項及增雇價值關係將來
報銷惟恐不預行奏明致伊有賠累之事殊不思
臺灣逆匪滋事皆由前任督撫及地方官侵貪歛
怨廢弛貽悞所致李侍堯係接任辦理軍務之人
將來事定後其浮用無著欵項有應行賠補者自
當於歷任督撫及該地方官名下查明在任年月
著落分賠必不令接辦之李侍堯有所賠累也其

摺內所奏各款現在實無暇計及此姑照所請行
李侍堯當明喻朕意安心籌辦軍務要件其尋常
細事無庸過慮預為將來地步也至常青藍元枚
旬餘以來未據續有奏報而柴大紀在諸羅被賊
攻圍曾否打仗得勝剿散賊匪日內總無信息殊
為煩悶現據李侍堯奏調赴常青之閩粵兵早經
前往滿兵現已配渡開洋藍元枚處應調之粵兵

漳兵已於七月下旬開渡其續調之粵兵現已令
李化龍統領向鹿仔港進發是常青藍元枚兩路
兵力俱已厚集正當乘其新到銳氣奮勇向前併
力進剿况徐鼎士在大甲駐劄招撫難民義番食
糧充伍者甚多又經李侍堯派兵一千名前往接
濟此一路亦可牽制賊匪令其首尾不能相顧若
賊匪回顧家屬則諸羅之圍自解常青藍元枚尤

當乘此機會迅速帶兵直抵諸羅與柴大紀會合
進搗賊巢以收掃穴擒渠之效

同日浦霖奏言湖南撥運兵米十萬石於改由

陸運之後卽已飛咨何裕城妥爲籌辦隨據覆

彼地接運處所俱經派有專員不致遲悞除領

運米二萬五千石已於八月十五日開幫其餘

陸續趲運魚貫踵行總使湖南之米緊隨北省

尾帮之後不許遠離白無虞遲悞奏入報

聞

初三日丁卯保寧奏言調派屯練降番二千名赴

閩一切夫馬船隻供應等項俱預備經理茲於

八月十九日晚頭起屯練五百名到省臣保寧

會同將軍臣鄂輝提督臣成德親加點驗俱屬

精壯勇健當卽曉諭鼓勵令其安靜行走奮勉

出力該番等俱踴躍遵奉查番練原無軍裝今
涉遠赴閩軍容宜整臣與各司道預爲捐製

帽得勝褂並衫袴等二千副按名散給各屯員
亦賞紬緞荷包等物並於例支口糧之外俱各
賞給牛羊糶粃烟茶等物以壯行色其二三四
起番練俱一例辦給至番練等所帶鳥鎗刀矛
器械俱屬齊全惟火藥一項水路長途不特有

費搬運且舟中星火宜慎現飭毋容隨帶仍咨
明閩省俟該官兵到日發給其管領將弁除本
營維州懋功二協副將各選派幹練都司千把
外委等官並酌帶字識通事目兵以資分領所
有頭起官兵支領俸餉行裝銀兩及犒賞屯練
衣物等料理完畢卽令維州協副將那蘇圖管
領於八月二十日登舟二十一日早開行月內

可抵重慶其餘二三起屯練俱卽隨後進發雖
新疆降番較屯練稍遠月內亦必能催趲到省
接續起程不致間斷其自省至重慶自重慶至
夔州之巫山縣出境派委各府州應付俱於例
給口糧柴筋之外酌賞鹽茶蔬肉以供日食並
令隨到隨應俾免逐程停泊稽延至重慶所需
船隻已飭川東道黃軒知府趙由坤備辦倘兵

至之日尙有不敷卽照前奏將雇備續運米三
十萬石尾帮船隻先儘兵行不致遲滯再川江
險灘甚多兵番等均可於過灘時上岸行走不
過一二里仍卽下船已派重慶鎮道多派兵役
及紅哨等船小心護送再川省現在辦運閩米
正當秋令水平下游商販貨船來川者較多總
須至重慶卸載臣前奏催令速赴重慶原無碍

於商載至宜昌荊州僱辦空船旋因客船陸續
趕到可敷應用當卽飛行荆宜二府停止現續
辦米三十萬石之頭二兩運已自重慶開行其
官兵番練所需船隻業飭將雇備米船尾帮先
儘兵行隨後再辦運米約於九月中旬亦可藏
事其時正值秋收甫畢之後商販米糧仍得船
載流通並無妨碍奏入報

聞

初四日戊辰孫士毅奏言貴州兵赴閩必須經由

廣西東境內臣密飭兩省地方官酌雇船隻碾

備口糧諸凡妥協經理俟黔兵隨到隨卽應付
俾得迅速遄行查黔兵自古州一帶舟行入廣
西境經柳潯二府直達梧州復由梧州入廣東
境俱係順流而下行程最捷再從廣東省河換

船至惠州老隆過山仍從青溪下船直抵潮屬黃岡起岸卽日赴閩除粵西經過地方移咨撫

臣孫永清酌派文員妥爲辦理其標營武職由

臣檄飭沿途彈壓以期安靜至粵東經由驛站

稽查照料現已辦有章程自可進行無阻其自

入廣東境至惠州府撫臣圖薩布督查其自惠

州至老隆過山提臣高璟督查其自青溪下船

至潮屬黃岡起岸由臣督查點送出境總令軍

行肅靜不致稍有張皇擾累又前接將軍常青

請調粵西江西兩省官兵之信卽一面檄令粵

西官兵分起前進八月十一日復接常青寄閱

摺稿內有諸羅急需應接等語臣以粵西兵丁

雖經檄調緩不濟急臣旣知軍營需兵接應豈

容膜視是以復就粵東撫標廣協惠協等營湊

調一千名派令將備速帶來潮前赴諸羅協同
搜剿今奉

旨令湖南湖北貴州各挑兵二千名聽候調遣自應
將粵東西續調兵四千名暫停但詳閱常青等
摺內情形逆匪勢甚猖獗我兵似有不敷今調
楚黔兵六千名若再加兩廣兵四千名共又得
生力兵一萬則福康安到彼足資調度剿匪自

調較多力

臣

是以擬候添調粵兵一千名到潮仍

令速赴諸羅接應其粵西兵三千亦未敢遽行

斷停止奏入

上命軍機大臣傳諭李侍堯孫士毅曰臺灣剿捕賊
匪節經派調閩省浙粵滿漢官兵及四川屯練黔
省兵前往會剿兵力實已厚集乃常青因諸羅被
圍緊急續行咨調廣西兵三千名因前據孫士毅

奏業已咨會廣西派委將弁帶領起程是以准其
調撥其孫士毅所請預備之廣東兵一千名業經
有旨停止想該督接到前旨自必遵照辦理在孫
士毅以隣省總督接到該將軍等札會自不能不
預爲籌備但現在官軍雲集又經特派福康安及
海蘭察等帶領巴圖魯侍衛等前往督剿大兵所
臨勢如摧枯拉朽賊匪等鬼蜮伎窮諒不能久延
殘喘該督等惟當籌度機宜鎮靜料理俾內地民

人安心寧謐方爲妥善
同日琅玕奏言拏獲派往臺灣出征之駐防逃
竇兵福常一名訊係中途因病潛逃畏縮藐法當
此卽將該犯正法奏入不查即懲以示懲警

上命軍機大臣傳諭寶琳琅玕曰福常係滿洲駐防
旣經派令出征卽應奮勇爭先力圖自効乃敢中

途藉病潛逃實屬可惡該將軍等即將該犯正法
尚為辦理得當至該犯之父平時漫無管教致有
此等不肖之子亦不可不查明辦理以示懲警著
寶琳等即查福常之父如係有職弁員即當斥革
該犯之子如現在食糧當差亦即一併革去或念
滿洲駐防革退錢糧家屬無可資以養贍亦應俟
該犯子孫一二代後再行挑食錢糧方足以昭懲

創至兄弟非父子可比自可毋庸查辦也

<p>途經澎湖潛匿買票...</p>	<p>尙爲辦理得當...</p>	<p>此等不肖之子亦不可不查...</p>	<p>實琳等即查福管之父...</p>	<p>該犯之子如現在食...</p>	<p>滿洲駐防軍...</p>
--------------------	------------------	-----------------------	---------------------	--------------------	-----------------

欽定平定臺灣紀畧卷三十四

